

Minge Broder hatt engelade un minge Opa wor richtig noch god dobei. De Mutter, dat wor de Oma. Mer han immer Mutter gesaht, domet mer ne Ungerschied hatte zor vätterliche Oma. De Mutter wor ald lang dud. Un do han mer en metgenomme.

Bei mingem Broder woodt dann gefiert un unger anderm hät minge Broder domols e neu Tonbandgerät gehat vun Telefunke met dä decke Spule domols. Minge Opa dät widder sing glorreiche Vergangenheit verzälle bei der deutsche Wehrmaach, unger dem Kaiser gedeent. Do kome die ganze Anekdotcher, die mer all kannte. Die kannte mer ald uswendig. Minge Broder wollt se ävver archiviere un hät stell un heimlich opgenomme. Minge Opa hät verzallt un verzallt un verzallt un irgendwann gov et dann Koche un Kaffee, do wor en Paus dodren.

Donoh dät minge Broder dat Tonband avspille un minge Opa soß do, säht e: “Dä mööt ich doch kenne! Dä hät genau etselve erläv wie ich. Dä wor bei dä selve Einheit. Dä muss ich doch kenne. Hür ens, wä es dat?”

Dä hatt noch gar nit begreffe, dat dat vum Tonband kom, weil e dat gar nit kannt.

Bähner, Hans Josef (68): *Dä mööt ich doch kenne*

mɪŋə bʁoːdə hat 'ʔenjələ:də ʔo:n mɪŋə 'ʔopa vɔɕ 'ʁɪftɪfɪ nɔx jo:t:ə'baɪ di mote dat vɔ di 'ʔoma mə han_ɪmə mote jəza:t da'met mə nə 'ʔʊŋɛʃi:t hatə ʃʊɔɕ 'fɛ:tɛlɪfjən 'ʔoma nə ʔon dɪ mʊtə vɔ ʃɔn laŋ du:t ʔʊn da ha_mɛ_ŋ 'mɛtjənɔmə ʔon baɪ mɪŋəm bʁoːdə vo:t:an jəfɪɕt ʔʊn ʔʊŋɛ ʔandɔkm hɛt mɪŋə bʁoːdə 'da:mals ʔə nɔɣ 'to:nbantjə,ʁɛ:t_əhat fɔn tel'fʊŋkə mɛt:ɛ dɛkə ʃpu:lə 'da:mals nə ʔon mɪŋə 'ʔopa dɛ:t vɪdɛ zɪŋ 'glɔɕʁaɪfjə fɛ'janənhɛɪt fɛtʃɛlə baɪ dɛɕ dɔɣtʃən 'vɛ:ɕmaxt ʔʊntɛ kaɪzɛ jədi:nt jo ʔʊn da ko:mən di jantʃə ʔanɛk'dø:tfjə di mə ʔal kantə di kantə mə 'ʔʊsvɛndɪfj:ɔn nə ʔʊ_mɪŋə bʁoːdə vʊlt se ʔɛvɛ ʔʁɪfɪ'vi:ɕ_ʊn hɛt ʃtɛl ʔʊn hɛɪmlɪfɪ 'ʔopjɛnɔmə nə ʔʊn mɪŋə 'ʔopa hɛt fɛtʃald_ʊn fɛtʃald_ʊn fɛtʃalt ʔʊn ʔɛɕgɛntvan jo_v_ət:an ko:xə ʔo 'kaf:ɛ: tɔ vɔ_ən paɤs dɔ'dkɛnə ʔʊn dɔ'no: dɛ:t mɪŋə bʁoːdə dat:o:nbant 'ʔafʃpɪlə ʔʊn mɪŋə 'ʔopa zo:s dɔ: sɛ:t_ə dɛ mœ:d_ɪfɪ dɔx kɛnə dɛ hɛt jɛnaɤ dat sɛlbə ʔɛ'lɛ:fɪ ʔɪfɪ dɛ vɔɕ baɪ dɛ dzɛlbən 'ʔaɪnhɛɪt dat mʊz_ɪfɪ tɔx kɛnə hɔɕ mɔ vɛ ʔɛs tat dɛ hat nɔ ja: nɪt bɛjɪfɛ dat:at fɔm 'to:nban ko:m vaɪl dat kant_ə ja: nɪt nə